

新鑄海內奇觀


新鐫海內奇觀卷六

錢唐

天台山圖說

志稱天台山高一萬八千丈周八百里山有八重如張大帆以其上應台星故名天台

赤城者道書玉京洞十大洞天之一也岩皆赤色望之如雉堞因名赤城絕頂浮屠七級飛泉沫落于中岩中岩寺嵌岩中曇猷洗腸井井邊青韭今尚生也下山東十里入國清浮屠比赤城倍之山門鑿萬松徑三字圍八尺寺負五峰如扞石坎泉盈尺普明師卓錫而成左廊三石錯立則寒山拾得舊竈石也



顛建天台十八刹此爲定光授記第一道場出門平橋際崖沒
澗度盤迴嶺以入澗水自高山落與石齒啣喧呌號如幾如
練如翔鸞鳳倏忽萬狀別澗而上則金地嶺定光招手石真覺
寺則知大師所從脫骨雙石塔存路側有大慈寺倚大雷峰傍
知者泉寺燬而唐梁肅石碑尚樹于畛隴間東灌莽中有寺在
其下顏其額爲高明路傍巨石僧指堂書天台山并隸教源二
字近白雲峰下又有太平寺址蓋三寺相犄角焉東北爲司馬
晦山道書第十六福地又北爲靈墟則白雲先生棲息之所亦
七十二福地之一也或者以天封當之咸從金地別一岐而東
踰嶺折而西北數里兩崖如闕鉅石踞其表罡風蓬蓬起驅石

如舞人行不成步卽六月披裘而慄名寒風闕過闕數里爲龍
王堂西岐乃石梁東則華頂察嶺亂石飛翥在所成趣石有峽
馬漢徵君高察隱居也又數里下雙溪上天柱峰磴道偪仄十
里至竹院佛弟子真清興教源叢林精舍經聲喃喃足稱娑婆
淨土峰左側路三里許上下二深池縮谷口淪漪破綠金魚數
千頭最爲高山之勝池中爲馳道度蓮華峰下爲華頂禪林左
三里踰嶺有王右軍墨池上爲太白堂堂廢池存前有三娑羅
樹四月花開如芍藥明王士性建二楹貌二公于中顏以萬八
千丈峰頭再上二里則絕頂也知大師于此降魔舊有塔與禮
經臺臺上夜視天星皆大于拳動燁燁堪摘且四垂脛胫下五

鼓視海底日上則東方大紫氣籠聚黯黯中有金縷萬丈片時
許則一赤輪如鎔銀汁蕩滴而上前五色盡滅日輪漸高則溪
原草木如畫東眺四明西招括蒼南望雁石北睨錢唐四方千
里隱隱可矚群山伏地僅如田塍而此山孑然上出如懸一朵
青蓮方開而瓣垂垂也昔人故以攀頂名之翠屏西下數十里
爲寒明二岩二岩洞一山以脊相背而倚明岩道不容軌兩石
峙如門夾之岩竇嵌空飛閣重棹半在岩間不復覆以茨瓦卽
石成簷如赤城也洞口有帽影馬跡俗稱爲間丘太守胤遺云
胤謁寒山拾得于國清竈中追及之二仙拍手笑入岩闔間丘
統馬崖上飛泉百丈以鐵索斜接之又北轉五里餘爲寒岩石

壁高百丈如屏洞敞容數百人夏至不見日影一石正方則寒
子宴坐處也西臨絕徑爲天橋堂宇皆置岩下時有翠色入戶
牖堪挹又北五里過清溪爲護國寺爲桃源繡壁夾澗岵嶸而
立水流亂石間聲如珮環者十里三折乃至其奧每折似堂皇
扃戶不見去來中折有潭清冽沁骨名金橋潭立潭邊仰望三
峰如畚畫而東峰特秀上有石如縮髻名雙女峰昔人見雙髮
戲水或云其精靈所爲離別岩下一室爲桃花塢扁以儷仙乃
明王士性所構也左循麓爲紫凝山瀑布懸流一千丈陸羽第
爲天下十七水又數里爲桐栢嶺嶺峻可十里官其上豁然夷
曠環以九峰玉女玉泉華琳紫霄臥龍蓮華翠微也道書七十

二福地之一謂王子晉治之又云伯夷叔齊爲九天僕射治栢
栢宮今宮有二子像玉石鏗然非山所產也宮有醴泉前爲女
梭溪從印山轉南水口爲三井下流入瀑布中自桐栢西行五
里曰瑤臺臺在大壑之心石山突起狀如削爪沿流南轉至雙
關皆翠壁一抹森倚相向宋山人張無夢結跌焉稱仙人座折
而崇道觀羅漢嶺數里而萬年寺寺抱八峰晉帛道猷所振錫
而營者門外巨杉百本其大叅天又十里爲慈性寺寺當山西
北僻處徑歲無遊人良修真者所棲也東五里曰斷橋兩岨接
棟中不合者一線飛流注岩下如簾狀成二石池有龍居焉石
壑之最奇者也西十里曰石梁上有曇華亭楹半外垂王龜齡

碑刻存焉。傍爲蓋竹洞三十六洞天之一。志稱石橋方廣寺五百應真示現處。檜溪者歡溪也。爲處士顧歡而名。循蒼山而西三十里爲慧明禪林。始入歡輿沿溪十里曰天封寺。寺最鉅麗。右楹有異僧以木屑纏爲柱。尙存。寺前一杉一檜濃綠成陰。天姥頰者天台之來山也。故稱姥焉。天台山北水二石梁水流入剡。雙溪水流入明天封。水東流過寧海入海。萬年水西流入黃杜入剡。餘皆會青溪而下靈江。

雁宕山圖說

昔謝康樂鑿山開道徧尋宇內各山川其守永嘉也乃游止斤竹澗沈存中則謔祥符中土人伐木造玉清宮始見之其前未聞有鴈宕今航海與行台溫傳道諸山巔咸歷歷可覩而當時輒云未見難以解矣志稱東西四谷然谷中刹宇廢十之九多不成遊其中可遊者有四畧區下石梁過謝公嶺從叢莽望見巨石一竅洞則風穴峰則五老翔鸞爲靈峰洞者一出洞循溪過響岩入馳道峰則天柱卓筆紺珠展旗玉女雙鸞石則僧抱谷則安禪洞則天聰水則龍鼻龍湫障則平霞爲靈岩者二出寺過觀音岩踰馬鞍嶺峰則剪刀水則瀑布爲大龍湫者三三

者皆遊人所至一則龍湫之上有雁湖焉是山所得名也馬鞍嶺東西二谷谷東峰五十有三谷西峰四十有八謂之百一峰東西亘五十里咸片石爲底插漢爲峰如巧匠園丁疊綴而成游人賞之幽棲則否謂其耕漁業左也此山之槩也

石門潭者水出蕩陰諸谷兩巨石捍其口湛綠如玉漁舟出沒于初暘返照之時佳此爲入山門戶老僧岩者十丈石立山口宛然一祝髮瞿曇過其背視之頂頸衣褶襜如腰隆起若襖被而遊方者在石梁視之又若拱手而譚天謝公嶺視之又如坐繩牀伸足也乍見無不蹶然笑者真造化之巧哉石梁者側石如枯木斜倚崖端空其下入可坐百人左右廡楹而不椽遠望

之如長虹飲于澗龜脊莓苔廣不盈咫前臨萬仞壑上泝澗水
二缶流墮石梁下如雷霆晝夜鳴謝公嶺者俗稱靈運爲臨海
嶠開山而至也然謝無詩風穴者未至靈峰左麓下一竅大如
斗風蓬蓬出竅人近之六月皮毛粟起響巖者左右絕嶂兩窟
相逼飛湍潺湲潑其下呼之應如響鐵城者巖傍一谷爲淨明寺
故址今蕪蕪無跡沿谷紫嵯數里夾嶂雄巨五老峰者洞前五
石相撐爲人立而肩摩者似廬山而小翔鸞峰者兩石首相對
峙影入照膽潭如雙鸞舞鏡前照膽潭者方可丈許不以水旱
涸溢澹澹泓泓激顧髮可數在靈峰寺右數十步雪峰洞者與靈
崖異峰言銳岩言大也兩岩對合高百丈許欲合而中闕一罅

自巒至半壁抵地可數十丈空洞深黝分敞若中天懸居中甃
爲平臺容千餘人臺前一水自洞背迸岩下灑石軋軋如鳴雨
從岩罅中窺青天如垂片玉相對笑言恍語甕盎中四壁石色
文膩若丹艸左右多岩罅可居洞內塑大士及諸應真像環列
兩序中有一應真乃湖石所琢相傳海上浮來豈爲神人所驅
耶紺珠岩者入寺有峰累一石如珠僧抱石者寺右一石如浮
屠禮拜狀前凭一几平霞嶂者自天柱而北峭壁數百丈橫色
襍蒼翠如負屐如疊重樓如倚雉堞寺依以立得夕陽輝映爲
益奇安禪谷者嶂左半嵯中敞如室開山僧神朗所居谷邃無
人聲泉出谷入池臨寺如聽下界鐘鼓谷外坦地有石屏風廣

數十丈若爲谷之屏塞龍鼻水者由谷西折數百步盤磴而上
中啓石龕其窪兩岸凌絕而合中劃碧石作龍狀鱗鬣咸具石
色較兩壁迥別從洞西南峽中奔而下一爪踞地垂首懸鼻如
瓠鼻孔石漚時下涓滴不啻沆瀣之液能已目翳兩岩摹刻多
唐宋書跡玉女峰者洞口端正一瘦石銳頭如髻襍蔓奇葩宛
如簪花狀雙鸞峰者去玉女不遠儷立作舞勢亦如靈峰之翔
鸞也卓筆峰者孤峰直立而銳如筆卓然獨秀峰者去洞數丈
孑然陡立頂冠孤松掩靄陰如垂雲靈岩寺者宋太平四年建
爲東谷一刹今亦圯廢峰嶸環匝自成堂奧儼若武庫森列展
旗者群峰聯絡于寺左橫曳之如取鄭伯蚤弧以登也天聰洞

者展旗之半有穴焉空百尺光自下生投以石訇然不及其底
外復有孔如口目然天柱峰者去展旗數丈雄峙巨霄挾光景
而薄星辰大可數畝許其頂古木糾錯離奇茂飢如虬庭狀月
夜猿猴援臂而上駢坐崖端窺人甚狎中夜啾啾相和作巴吟
聲聞數里此峰爲雲岩諸勝第一小龍湫者卓筆傍流泉墮澗
視大龍湫而小也鐵板嶂者出靈岩口山上石正方如屏色如
鐵雄峙當罡風不壞將軍抱者貌類石將軍斜倚檻秋風起時
甲冑如欲動搖觀音岩者從馬鞍嶺視之峭崖矗天如佛背圓
光焰剪刀峰者石高刺天可幾百丈上成兩岐晝天每朝雪及
霧當岐過之真如剪綺峰際蒼松紛糝輪囷若蓋大龍湫者高

山四圍中盤一谷飛瀑從天而下然不見水狀僅如烟雲搏聚而落落地爲珠璣或朔風久盤桓不下忽迸響如震霆又谷圍如甕聲出則谷傳游人每二三十鼓譟或以金鼓佐之則瀑隨風飛過澗如暴雨灑人衣面群忝避之水激石射咸膩滑不可立東爲諾詎那尊者觀瀑亭蛻骨具焉抱膝如瞑扁其亭者云六龍捲海上銀漢萬馬呼風下鐵城真雁山大奇觀也能仁寺者西內谷刹之一控丹芳嶺下僧了全于太平興國間始居山之淺者曰芙蓉庵則其開山始也今廢斤竹澗者謝康樂所嘗過有詩澗畔一古松曰萬年倒挂崖巔蒼翠駁犖盤覆似潛蚪火焰峰者能仁所見之峰簇擁如火上炎也石羅漢者一閩僧

聞諾詎那至航海來參之覓未得偶逢一樵者遂化爲石雁山
書院者朱蕩南翁所築以奉邑之先賢者地舊爲天柱寺凌雲
寺者在西谷外從凌雲南入山牽藤而上日午可到是爲雁湖
澗頃畝雁過南海常棲止其中湖水墮入澗流谷口爲大龍湫
舊有白雲庵嘉靖間五臺二僧來居之元孝先所謂望見永嘉
城下大江如牽一線白東面海氣蒼蒼如夜色山上無膏燭燒
木葉葦竹爲明山鼠來與人相向坐如狐狸大者是也他如寶
冠瑞鹿古塔飛泉近皆圯壞不存

寶剎寺

高峰

南山洞

紫山塔

經行石

石梁庵

橘春竹

身夕下見

天下

十

身夕下見



行向石欄立清寒不可云流來
橋下水疑是洞中雲欲住逢年
盡日吟過夜分蕩陰當絕頂一
雁未曾聞

修仁寺

其夜峰

將軍岩

丹芳嶺

海月寺



無國事未始辨亦難辨
其言有稽為之奇定為
信路湫
聖君深末一唯暫及靈運淺
美松都是了以我亦以
世亦
風約說與山猿不用精

白雲寨

本覺寺

高懸峰

石珠岩

翠亭



琅玕十畝映江渚天籟沉沉欲
下來已見鳳毛沾雨露長疑龍
氣挾風雷樹圍車蓋森陰盡月
射金銀夜色開中野白雲如白
石不辭一日到千回

凌雲寺

舍珠岩

梅雨潭

卓乃峰

鷹嘴峰

海
明
觀

駱
駝
洞

未
六

三

何



所穿玉石姿因心卷白雲竹節標秀
生時此處山霧輝洒忽屬圓影因風
氤氳烟波非薄舒石出愈殷總與古
泥者世之過衰分其美候之翔羽人
在木羣
市鄉傳可至坐溪雲中君

古塔寺

華陽峰

石蓮峰

華陽洞



從倚秋旻。寂上層仙。九節
欲飛騰。巖岫邊。見增遙。疑寺
谷口逢樵。却問仙蹤。吹雲鷲
落葉暝禽啼。隔一雨。隔一
年。幾載。載青山外。又是西風
一度燈。



西水仍絕人玉罕不道瓊臺暗中乙叢巖
屹崑崑風抱披泥性血豎法曾中招起靈上
侶重策振玲瓏膏燒院靈觀目接小可窮
嶠浮積氣飛泉亘長虹三賢結細跡架高
比出空軒力入密扉手掬坐美夢如終
崑崑上乙是滄溟素祇應事賦白河濱
頓神功

普門寺

金翠峰



丹壑雲為寺，雙溪虹作梁。
狄眠玄籟寂，夙定白蓮香。
邃竇達靈髓，空壇夢法王。
好招鸞鶴侶，深掩紫芝房。

古漢羅

崑崙山塔

石缸塔

石缸塔



老分三子臨前壘
不似深住碧巖
阿黠崖嵐滴
木烟小石聲
鐘聲
松韻多
慧日晚
清逸象
到燕雲
結
冷傷人
色業林
宴交
黃墨
相風
雨
夢
言
亦
何

石門寺

猴孫峰

石門山

石門洞

天王殿

鷹巖

石門

石門寺

石門

石門



晨策尋石壁夕息在山樞
疏風捲高館對嶺臨
迴溪長林羅戶邊積石擁堦基連巖巖覺路塞
密竹使徑迷素人忘新術古子迷故谿
浩氣
夕流歎嘷嘷猶夜啼沉真豈別理守道自石構
心粹九秋斡目况三春莢居亭以待終處順故爲
排暢世同懷容若登青雲梯

瑞鹿寺

瑞鹿峰

白雲峯

朝陽

樹巖

道菴

海內奇觀

卷六

七

七



古与昔研萃萃年陰底与秋暮
昔解与花瑞蕊与河在飽飯山俗
不解得泉透何百字湖玉柱梅雪
外勢奪之停車歌了病兒与借白
晴窗隱几晚

華嚴寺

長嶺

寶香巖

招賢巖

飛泉



長緲風高白雁飛
招賢谷口攬
秋衣恠猿啼
去青山在怖鵲重
來紺宇非
千葉寒光餘
闐窅四
花兩色轉霏微
游人未解華嚴
偈獨把松枝詠
落暉

天柱寺

筆架山

天柱峰

六賢祠



新造王柱政善旨王柱以再至見山存
千崖穠如子溪空忠穠之巖空白
洒之將是吉如寫至之凍不許步觀一
以交既宗現之似擬急不能認穠
叫深泉清



幽澗冷冷硿壑哀靈峰不斷石
門開鯨波直撼三山動鵬翼遙
搏萬里來日落餘寒飄大野酒
醒孤嘯簇層臺披襟擬賦青蘋
色慚愧同遊宋玉才

真濟寺

五老峰

鼓絕峰

天竺寺

華陽峰

摩訶泉

莫舍巖

騰池

海內奇觀

卷六

七

八

九



絕巖松梯蹶翠盤前朝廢寺有室壇勝
池泉湧青山動深洞龍歸碧樹寒日
暈霞先金粟影峰含兩色白蓮殘二宵
咫尺未雲鷲乃朵祥雲獲紫雲

淨明寺



水簾為口澆泉飛雪母峰為玉碧
高入凌雲居士榻升堂先謁慧皇初
蒼園明月出園滿路揮毫半嶺巖
杖屨何來跡處坐來回不願出山

道

靈巖寺



龍井

觀音峯

龍林

玉女峯

劍峰

雙峰

卓錫峯

獵石

天柱

無敵

一逴逶迤入翠微
雲間鐘磬出
岩扉甘泉細
向芳塘落白鶴
遙
依碧障飛
瑤草春風迷
藥鼎曇
花天雨散珠璣
尋幽更上峰頭
立萬疊青螺擁
四圍

石梁寺

石梁碕

石梁碕



宗况持珠者清玄之
橫心深悟
廣林著尉
空侯

雙峰寺

東峰

西峰



雙峰直醜天佛頭碧髮峰揀地滄
海黑道人入山是作陶藍玉与邊深
一又光向白髭紅鬢衣說法香南連
靈此紫皇者紫九重之日照齋齋生
五色

障

足觀不

峰乃



開闔捧雲動差
裁成大地欲
施大手天
裁成大地欲

白雲

大龍湫

雁湖



風洞

西關石屏

許那臺

錦溪

瀑布飛不激大顏空谷哀青天
下河漢日夕奔風雷潭穩蛟龍
定歲陰鴻鴈來方巖倚天畔吾
志在崔嵬

新鐫海內奇觀卷七

武夷山圖說

按茅君內傳仙家有三十六洞天武夷山乃十六洞天稱昇真
玄化者也在崇安縣南綿亘百二十里由西南白塔山迤邐而
來融結于此中涵一溪乍深乍淺其源發于周村之三保山鄰
鄰瑩澈蛇蜒東注與層巒疊嶽迴映帶聯絡貫通遊舫從東
汭流而入約數十里西出蔣村而境始窮南麓則臨石鼓渡北
止于黃龍溪遠觀形勝則皆豐上歛下有縝潤玉削者有森銳
筍立者有端巖拱揖如神人有峭麗娟秀如美姝者東望如樓

武夷山圖

三坊





武夷山圖





臺高視如城壘西顧似庾廩北觀如車蓋其驟如龍其踞如虎
蹲者如猊馳者如馬峰巒巖岫峭拔奇巧高下相屬吞吐雲霧
草木蒙茸寒暑一色崖壁紅膩而稜疊可愛三三曲流繚繞六
六峰之間飛瀑落崖一瀉千萬仞之遠屐登棹進水陸皆通琳
宮梵刹依岩負壑鐘磬相聞各據其勝摠名武夷相傳唐堯時
錢籛隱茲山二子曰武曰夷山因以名又謂有神人降此山自
稱武夷君漢武遣使築壇祀之今遺址尚存宋朱紫陽著書精
舍遊轍游臻白玉蟾居止止庵以朱紫往來膏車秣馬大汨玄
功迺去之羅浮焉

自常山過玉山南北二石梁橫跨溪流中達信州入龜山爲南

巖寺數里長林翳日巨壑綠溪類西湖之靈隱岩阿深奧石色
深紫仰睇梵宇僧居嵌空其中石壁多宋元名賢題識由陸路
至鉛山有觀音岩岩洞數折而上幻出一奇峰儼若大士中天
而立抵車盤雲度嶺漸入佳境過分水關閩楚疆限也二水南
北分流其源出于黃山之龍井踰大安至崇安縣度五里庵三
十里入武夷渡口清瀨急湍柳堤篠岸村墟歷歷遠近映帶乃
九曲溪西出與大溪合處溪徑里許松翠侵衣爲會真觀觀前
老楓大踰數圍千百年物也左折旋而入山門榜曰天下名山
第一爲冲佑萬年宮新構壯麗題署繁夥中有拜章臺三清殿
玉皇閣閣下列十三仙後爲法堂左爲方丈碑碣詩刻森立又

有魏子騫頭顱骨光潤如玉頂上紋裂橫豎兩理子騫秦時人
尸解于漢桓帝時也宋理宗玉簡長尺許書刻金精觀後一峰
方圓十里高五千尺巍如冠冕屹如天柱曰大王峰一面向東
瞰北溪一面向南瞰西溪其陽縱裂一罅長數百尺下有木槎
立橫石上峰之北爲幔亭峰魏子騫架虹橋設幔宴會孫處有
漢祀臺石盤陀方廣數十丈漢武遣使禱祀處扇爲雲龍道院
彭祖故居址也峰之西爲鶴模岩嵯壁裂紋霜翎朱頂如繪有
飄泉若飛絮縹緲游空而下明江瓊題其岩曰萬峰晴雪又里
許豁然徑斷有巨木階倚懸崖斷峽間階窮處扇路可至絕頂
仰睇巖巖襍樹倒懸斜倚樓烟霏雲俛瞰溪谷則平楚阡陌不

可辨倚岩木階復數十仞峭壁虬松蒼繡可愛階窮處兩木橫
閣崖罅援之而升有石門頗隘側身以入兩岸開敞夷曠嘉樹
美箭葱蒨芬芳綠磴復升迤邐漸高有石池長可七尺廣深半
之瑩澈可鑑爲天鑑池復躋數十步平坦幾半畝窓櫺數楹乃
昇真觀也蓋廢而復興池右有投龍洞洞口小而直下垂纒百
二十尺方及水以小石投之其響激越良久乃已宋嘗遣使投
金龍玉簡于中山有嘉竹狀虬屈如龍蛇又有仙橘小者如彈
丸其皮可食大者如雞卵味尤甘仙李如小鳥卵長而色赤味
亦酸美仙荔叢生而密微類閩中者但差小耳近峰頂有磚卷
城門魏子騫所築也前爲修真壇乃張湛遇控鶴真人之所下

爲止止庵十三仙修煉之所也出官由一曲迤流而上石上刻
一曲字九曲溪萬丈丹青碧水丹山漸入佳境智動仁靜諸字
其碧峰森立巉岩蒼翠雲髯烟鬟寶冠螺髻色相若普陀者爲
三姑石溪中有虎鼻石刻石門靈源一派六字西有獅子峰大
小觀音峰此一曲之觀也觀音峰左爲兜鍪峰上刻陽明詩海
上真爲蒼水使山中又遇武夷君二句下爲九峰書院頽廢已
久路通一線天兩崖壁立千尋仰瞻天光隱隱如線近兜鍪者
爲粧鏡臺上刻一曲字對鏡臺者玉女峰刻第一山壁立萬仞
七字次爲勒馬峰凌霄岩赤壁峰過赤壁爲小藏峰崖壁廻合
爲石室几案布列調之仙學堂水中浮印石檀音石儒冠石刻

千崖萬壑四字溪東爲鐵板嶂嶂後仙猿岩嶂右會仙岩昇
岩翰墨岩崖石隱起類墨鋌下有三孔如人口俗又稱回子獻
墨岩此二曲之觀也車錢岩者聖姥鞭牛背代之地上有白玉
蟾丹龜過此則馬頭岩大釣磯也水中方石如砥曰三杯石可
停棹坐飲溪流衝激作絲竹聲謂之水樂溪西峭壁千仞爲大
藏峰崖端石室數穴亂挿木板如機杼狀一穴板上度一小舟
歲久不朽曰架壑船上刻三曲飛仙臺五字此三曲之觀也大
藏而上爲金鷄岩中有洞穴外隘中宏藏仙蹤數函木篠縱橫
如鷄棲狀房有數洞嘉靖乙巳飛鐵香爐大如卓入洞中登岍
可仰而見岩下臥龍潭扇刻四曲字上爲宴仙岩左爲李仙岩

李銳尚存石龕壁削不可登下爲御茶園龍井龍亭在焉瀾水
從碧雲橋下出自此而上爲更衣臺天柱峰蓋魏子審更衣處
也溪右有石突立中豁若斧斨然相傳爲控鶴仙人試劍石宋
人題刻布滿石上蘚蝕不可讀溪中巨石介水中數折號小九
曲舟可環遶又有上水魚石溪東一石飛聳欲墮入溪中曰釣
魚臺右峻壁斗絕上有數竇皆橫插木板望之如棧中列陶甃
如宮如筍如爐如鼎內藏仙蛻二函高下歷歷可數曰真武洞
近溪爲希真岩題詩若此四曲之觀也魚臺連大隱峰峰削立
方正如屏下爲紫陽精舍後爲伏羲洞洞廣數丈石堆列如卦
畫又名先天洞洞左爲羅漢洞外有黑洞曰回回洞頂基平坦

鐵笛亭址也逶迤礪半里許爲接筍峰有道人居焉石壁峻峭鐵鎖橫綴崖腹以託足屈曲盤折數百級亦爲道人所棲曰玉華岩岩深可丈餘高廣倍之白雲蒼霧生滅無時飛泉風樹聲協絲竹溪中石如竈曰茶灶石溪西爲晚對峰上刻五曲高山仰止六字此五曲之觀也隱屏連千接筍峰玉華岩下有洞刻昇真洞三字從小徑偃僂而入一里許有境一匝四周穹崖壁立崖產茗名茶洞轉至仙掌岩嵯石有紋類人指掌者十數痕長二丈餘從磴道入峪蒼松夾徑雲陰藉襟數里登天遊觀一覽亭前有嘯臺空曠高爽隱屏立其前仙掌翼其右千岩萬壑俱入指顧高下起伏若翠濤澎湃出沒烟嵐縈青縹白頃刻

萬狀過此爲三層峰石門岩溪中石曰曹家石溪西爲響聲岩刻六曲二字逝者如斯四字又仙跡岩蒼屏峰疊疊而起此六曲之觀也蒼屏以上山形高峙長亘五百餘丈曰城高岩溪中亂石春開百花曰百花庄溪東三山聳翠若舉首企仰爲三仰峰中有碧霄洞白玉蟾丹灶猶存下爲陷石堂其地古爲禪寺宋天聖間忽一夜雷雨陷沒今石崖交橫外成石門僅容足進十餘步平曠又名小桃源堂門曰北廊岩刻七曲字岩頂曰天壺岩左曰棋盤岩此七曲之觀也接天壺者爲鼓樓岩岩前兩峰屹竝如鼓狀曰鼓子岩岩南絕壁廣數百丈壁間裂開一穴可容四五十人吳公成道于此曰吳公洞下爲鼓子庵右連鐘

積岩獅子岩刻八曲字水中禪笠石上水龜石溪之西大小廩石下有海蚌石將湖石人面石魚磔石此八曲之觀也九曲溪頭爲靈峰白雲岩玄都觀在其下岩左爲毛竹洞次而三峰並峙曰三教峰下有香爐石貓兒石對峙爲丘公岩內有石室廣數丈丘公成道處近溪石形如磨曰磨石此九曲之觀也九曲之外登陸而遊復有換骨岩一線天水簾洞皆洞天絕境也具列于後

靈岩一線天岩從二曲行七里有兩岩相倚長數百丈中分一罅窺見天光又名一字天下爲三洞其一尤深廣風從一線中透出晝夜不絕刻風洞字谷口刻靈岩字有觀音閣葛仙館陽

明祠洞石有窄徑僅容一人側足而上可至絕頂頂上平曠約數里許有泉池對峙有鼓角岩藍石五老峰下有石門如關隘然

換骨岩在觀左三里許幔亭峰之北峰腰石室廣六七丈可容百餘人內爲小閣三間祀玉皇元君廟有黑穴中有泉極甘冽童子匍匐可入或溢或乾岷高數十仞峻峭難登任持者掛大繩于上登者攀繩而上左有二姑石金貓捕鼠石靈龕道者岩龍井坑

水簾洞地名赤石奇秀類武夷從換骨岩進七里馬頭岩之右赤壁高廣數百丈水從頂下如簾漠然不減雁宕龍湫之勝益

水自高岩下垂非若太山房山之水簾出于洞口也一名唐曜
洞天房有清微洞真觀

雲虛洞在下梅里去觀二十里與大王峰相對又名均峰洞有
上下下洞幽邃不測房有龍井洞中石盆石硯皆天然自成會
聖堂前朝真石甚平整迺孔莊葉三仙女修煉之所

九鯉湖圖說

蒲陽之西八十里有湖曰九鯉山則奇崛峻聳元突崔嵬雄金
崑崙險如劍閣陟其巔者若凌風若登雲若孤鶴獨號于長空
徘徊孑立石則怪異瑰奇如雲如岫直若戰棹細若累卵圓如
沉瓜巨如扛鼎水從永福萬山中來所歷無慮數十百里注而
爲湖則異石當其衝兩峽壯其勢初到峽口有舉閘拽水之勢
又似齊軍決囊莫可禁止稍遇坦石平行彌漫已而兩石夾流
則奮怒悲號若迅雷之鳴聞者失色又直趨下數十丈中爲平
湖方圍寬濶約百丈餘則法深澄定凝然不動若星旋而斗自
鎮草動而根不移泉則玉墜珠飛虹垂霞集千態萬狀淒清悄





九鯉湖圖

天不為年

九鯉湖



九
仙
山

大
聖
山

蔡
溪
岩

仙
水
觀

虎
頭
山

仙
遊
縣

龍
起
橋
松



寂令人泠泠有遺世想故仙靈托之以冥栖賢達慕之以長往
云

高陽山高且百餘仞去何嶺蓋十里而遙奕奕臨湖與飛鳳山
相望鳳臺岡屹然于湖之東而脉自南發西與盤龍山會其上
灌木萬章其下鐵色萬仞居然神臯之大觀也

蓬萊右在湖之東高丈許廣倍之屹立于雷轟濛之右鄭尚書
表爲第一蓬萊昔有湖光亭久而圯比更新之以鐘鼓名

雷轟濛在丹竈西湖之東水從何岩下注而爲湖沸沸湯湯不
舍晝夜喧逐如雷故以雷轟名是爲第一濛

丹竈在雷轟濛東石嵌空似竈無慮百餘處水漫流其上遇竈

色如澄而垂綆有至數十丈者或云與四滌通理未可測也又云水旋而成窩愈久而愈深耳其左有巨人足跡長三尺許黃鷄灘在雷轟滌東亂石縱橫水自石罅中出春夏時其聲亦雷轟之亞

茶潭一名葉潭深數丈其水亦淵泓可玩距黃鷄灘十步許石牀在黃鷄灘之東廣八尺高六尺許四面皆如削成怪石叅差擁其側水彭彭出石罅中高阜處有石如酒尊廣圓六七尺高丈許上有小石覆之如蓋然故名或謂仙人醉酒而臥此石牀也自蓬萊石至此爲湖之東

萬年石在水晶宮之西石壁巖巖佳植籠映宋陳謙勒天子萬

年四字甚偉

古梅洞在湖之北石廣一丈修倍之故有梅生其中題者遂以古梅名今無存矣洞之右地稍斥而可廬九仙閣峙焉前植老梅亦緣洞意也

仙泉在古梅洞下數石礫石泉自石罅中出清冽甚飲之可以已病卽大旱亦不竭問夢者百十餘人皆取給于斯泉將軍石在古梅洞西高二丈許望之桓桓如將軍故名

道家蓬萊石在適滌之道扇距將軍石步武耳高二餘仞廣丈許奕奕偉觀

鼓石在古梅洞前高六尺廣五尺狀肖鼓扣之有聲卽一人撼

之亦動又名動石

玄珠石去鼓石五尺去湖尺許圓類珠故名相傳湖水溢則浮自萬羊石至此爲水晶宮之西亦湖之西也

龍擦石在古梅洞南紋縱橫如龍鱗日晃之燁燁射目循石而下又有洞深廣丈許有石棋枰及爐竈遺蹟然已失其處矣

瀑布泉在雷轟濤之西相距五十步湖水遵石而下長如匹練怒流爭汛聲若雷霆又似數部鼓吹而石澗野花時開彌益其態傍有石廣二丈許明李翱書觀瀑二字是爲第二濤

珍珠簾者瀑布繁洄而下約五百步爲珍珠簾夾流之石廣數丈修不啻百餘仞水上垂垂而挂可數十行綴若流蘇晶若聯

珠水激濤湧噴薄飄空細者如霧如烟粗亦如霞如雪粉珠屑
玉簾外都無勺水日映之光氣紅綠成行如彩虹飲澗夾滌嘉
樹森鬱盛夏都無暑氣是爲第三滌滌之右石修廣楚楚幢壁
高仞餘有龕可坐四五人明王世懋勒石曰九滌中最奇處
馮懷構亭石畔名觀澗亭

玉筋爲第四滌視珠簾稍狹水自盤龍山來兩行下垂瑩如玉
筋春夏往觀真爲奇絕對視鳳臺岡鬱第穹窿危不可陔仰而
望九鯉湖瀑布俱不可見但覩銀濤湍決皆從樹杪下令人毛
骨清徹耳傍一石曰龕石高可丈許中爲半觚若洗若削登龕
前望則飛鳳盤龍兩山愈親遠水蜿蜒上映刺天石壁亦一奇

也

石門湖之第五澗也自水晶宮來不知幾千丈石參差澗中而
二石巒崿壁立故以門名又里許爲五星澗澗中萬石續紛獨
五石屹然錯落如星故名五星左有鳥道可偃僂而進是爲第
六澗

飛鳳山爲湖之朝山高幾百仞蓋第七澗也上多僕壘蒲蘆而
無鳥聲下山里許一石名觀音龕龕外石罅如天窓然中可坐
十餘人以祀觀音大士前有深潭水自龕上過亦一奇也

棋盤石距飛鳳里許爲第八澗澗中臥石宛然棋盤懸岩一石
類樵子風雨中若鬪棋聲或爛柯者流

將軍石爲第九澆兩石瑰壯如武夫當關故名澆至此去湖且二十里亂石擁塞巖谷相懸其水爲茗溪爲壽水入于海

九仙山在仙遊縣東北二十五里山之半有石穴湧泉色白而味甘昔何氏九人飲此故山以九仙名

留仙山在縣東距九仙山十里許松杉森鬱頂有石棋枰或謂霧雨中時見數人箕踞奕蓋何氏兄弟也

雞子城山在縣東十五里距九仙山里許城故越王所築越王爲閩越王審知

高望山在九仙山西距何嶺數百武峰巔高聳可以遠眺風日澄霽卽遙海俱在目眦上有石浮屠五層二石高數丈名笏石

南有髻山以雙峰如髻北有仙人臺以何仙登之故名
雲頂峰在仙臺北端聳秀麗下有石室十餘所名舊隱岩相傳
有眠雲閣釣月灣聞猿洞今皆蕪蕪矣

古重山在仙水廟東三峰峙立東者高五仞陡削玉立名桂巾
石其一昂首如獅以獅石名山之腰十餘石玲瓏相通其一屹
立數仞修廣十餘丈下凹爲室深二丈廣四尺蕪穢不治左有
飛泉沿崖而注爲瀑懸流數十丈何仙藥竈遺蹟尚存

何嶺在九鯉湖北高數千仞折而東五里爲龍紀院又五里則
湖矣世傳何仙居九仙數日又踰何嶺而東入湖故名何嶺嶺
有泉出石罅中明林正夫篆仙泉井三大字于石

石所山距何嶺二十里去縣治六十餘里高數千仞盤踞十里
巉岩石骨黧黑如漆其巔有石如笏高三丈許

雲居岩在石所山巔有石可坐數十人古篆百餘字皆作龍蛇
狀不可辨元世祖御書夾深書院四字岩前有亭曰獅子亭相
傳有池可蓄鱖魚

紫帽山在石所山西交斜岩在紫帽山下左有兩石洞右爲玉
泉岩未至岩數百步爲山門門左有石高二丈修半之有朝真
福地祝聖道場八字其前方沼舊植蓮山門內有石崇廣三丈
許元世祖顏之曰樵谷山折而北則松篁夾道花卉裊烟霞
房澗亦饒木石躡磴以北舉趾浸高一巨石屏立道房西爲玉

泉崑石縱橫洞口上覆巨石泉流瀉自紫帽山下瀉飲之清冷
透骨大旱不竭南為玄帝閣北為佛宮前為一樓爽峻可居耕
山環拱如龍如馬如屏如縞帶鉅如斷鼇幻如結廡修如北溟
之鯨奇態萬狀東有棲雲洞兩石修廣丈許一石廣圓三丈覆
其上中可坐數十人

真如洞距棲雲丈許數石欽奇相附而為洞

滴水岩在麥斜岩東水自巔下涓涓不休前為銀坑口狹而傾
如建瓴好事者乘爛蛇行以入屈曲不啻十餘丈
鳴山岩巨石削立扣之有聲

虎頭山在紫帽山東為麥斜岩左巖懸石陡削高可五十丈石

昂昂如虎頭元世祖標之爲鐵衣壯士

蓮花峰距石所十里許數峰參差奇秀如蓮花下有清源庵北

卽銀岩山

蔡溪岩在縣東北六十里岩前巨石如雙闕白石門高三十餘丈廣四之折而北洪崖峭壁奕奕摩雲飛瀑直瀉而下瀑盡處爲龍潭深不可測流爲溪澗是曰蔡溪遵石門而上有巽堂有良軒有幻遊洞藏直塢眠雲石石水涯洞前聲如雷轟豬而爲湖竹松交翠木之大者百圍長夏亦無暑氣昔陳聘君隱居于此

羅漢洞在蔡溪石之右泉石玲瓏松杉掩靄疑神趺坐可以忘

飢

普陀岩距羅漢洞數武今在蔓草中

鼓山距省城三十里蓋福之鎮山也東障大海陟其巔海泱泱
眉睫間小琉球隱隱在望山半有古刹有靈源洞有石梁有天
風海濤亭乃朱紫陽所書

石竹山在福清縣北距孔道十里巉巖險絕其巘有觀音岩巨
石覆其上石下稍支榱棟以祀觀音左折有化龍窩紫雲洞又
左則九仙院也

滕王閣圖說

滕王爲唐元嬰嘗都督洪州工書畫音律善作賦蝶時乘青雀舫選芳汀渚建閣于章江門外名滕王閣高五十尺四周步欄咸複陸閣道垂以簾櫳下刻三王詞與韓昌黎記章貢二水自西南來蜿蜒右角去東北入湖凭欄浩渺無際鄱陽一名彭蠡又名揚瀾左蠡居南饒九江四郡之中春水方漲挂帆截洞眸息百里足配洞庭霜降水落則長堤曲岸縱橫荒草中有徐孺子亭蘇雲卿隱居東則康山功臣祠高皇帝與僞漢百戰之地也東北爲古敷淺原水與豫章鐵柱宮井盈涸相上下湖止窮處落星一島騎于鏡中是爲星子縣書院有白鹿洞洞在禮



老五

五王

城道

大小孤山

康南


鞋山

御湖

孺子亭

数溪东

山



聖殿後石壁刻晦翁墨跡爲多出湖口水則有江島則有大派
小派大江出蜀三峽合漢沔七澤九江之水而下怒濤晴日翻
空至湖口復會湖水二山浮水面直截狂流與鞋山相望爲砥
柱近縣又有石鐘寺弄月最佳

麻姑山圖說

麻姑山在臨川郡城之西周四百餘里中多平田可耕道書三
丁六洞天之一上有瀑布龍岩丹霞洞碧蓮池皆奇境也仙壇
有顏真卿記并書爲二絕從姑山本爲麻姑山而見稱然去城
近搢紳先生與閭巷人過覽便其峰石磊塊多幻奇覽者自易
視又羅近峰標置聚徒衆爲此山羶行而麻源入山深歧高測
險泉石幽曠無已聲奇豔閨其無人松響雲光映徹林表故郡
人多稱從姑奇絕而以麻姑本山爲少致

出城歷石磴上十里有亭一座又五里爲半山亭兩玉虬從半
嶺下奔淙流可三百餘尺則瀑布泉也夜雪壅濤銀河素練





繁散為珠濛濛拂拂為霧為烟可望而不可即又半里許為三
峽橋下有投龍潭記載天寶五年投金龍于瀑布石池中有黃
龍見其處也又幾半里有岩石下尺許為神功泉口不盈一小
盂而深深不竭味飲而重即葛稚川丹井也好事者取以釀酒
名真姑酒四扇即本山泉與較每兩即輕減錢餘其神矣坐三
峽橋上可聽泉窺澤左右山峰色俱集麻姑殿結構非唐時物
其小法身經火不壞亦靈應也山門左有古松可合圍唐所封
為大夫松者可班三竺九里中扇有詩僧基平眺四際山巖峰
頂前後平田幾數百畝所謂碧蓮池者盡阡陌矣麻姑向方手
言接待以來見東海三為桑田詎不然乎山絕頂有齊雲亭圮

壤不可登殿傍爲瞻忠祠祀顏魯公李忠定文信國三忠者壤
側有紫陽墓開元真人鄧紫霄瘞骨處也橋之下爲避秦洞又
昔稱壇傍杉松曰七星杉松皆偃蓋時聞步虛鐘磬之音不可
復接惟玳瑁石距此壑中無恙

從姑山去城僅五里許從麻姑山折西北行上下山坂不甚峻
而田阡間之往往于深巖峭壁中間平爲田綠野之色與碧山
青澗相錯他山未有也紆迴數里漸近雲門寺則澗水澄瀉而
奔注岩岫峰壁爲躡爲踞爲立爲臥若列幕縣帷大半似盤山
第盤山無草木爲衣此山時有樹盤山一長石橫臥如虹亘此
山澗灘凡數折皆綠綺可挹石文舊題識處皆殘剝模糊苔蘚

中不可讀惟卷石巖為曾子固題尚在書法莊整如其文隔澗
一林望之破屋殘垣殘門荒樹則雲門寺也寺虛無僧惟雲封
苔鎖馬跡鼠踪草樹數株而已而境絕佳澗前有野店可供遊
客再上為華子崗卽謝靈運所詠麻源第三谷是也無徑不便
登再北入靈谷徑其石岫一片似西湖寶石山帶以石欄杆又
數武則石岩垂為屋翳晞陽范公來今此邑顏其巖然僅可當
武林飛來峰一竇耳又三轉石磴上道士樓居在馬四面巉岩
石俱蔽遮不令見香火客坐俱窅窅在重圍中從從姑山後上
為跏趺石可坐數百人落級而左兩岩隙深千尺有天下墮渺
渺飛一道光名一線天其上為天柱峰為步天橋遠眺則江城

野郭烟樹萬家縹緲在望從一線而度爲雙玉樓羅近峰講道
其間迤而右爲飛鰲峰乃從姑擅場處綠崖爲堂卽羅近峰所
共四方人揮麈談性命之地俯檻則林木掩映蒼翠在眼復轉
而左爲仰影庵讀書岩皆近峰所品置

龍虎山在貴溪縣一路綿亘水澄千碧上有上清宮寥陽殿吳
天閣凭闌遠眺萬山拱翠三十六官雲繞宮左翠微深處修竹
萬竿中有歸鶴亭亭後有白雲窩蓋淨通天師煉丹所也龜峰
一名圭峰三十二峰壁立如箭其大片石山與西湖寶石山相
似岩內開方廣坐四面峰岩其狀爲爐爲甕爲芝爲旗爲獅象
爲劍皆歷歷可指

仙岩在貴溪城南七十里距上清宮十里沿洞一溪乃得至岩
下岩高數十仞多奇石壘門削壁嵌空懸虛歷石九層而上自
岩脚登觀音閣級凡三清波丹洞蕩漾几案踰梯以升凡八層
級高可百餘丈則劃然一竇人掉頭從此中出如出井中憑崖
仰揖棟不啻踵二分在外摇摇凌雲氣起星辰可手摘而蒼茫
一水在下盼如帶題閣者曰堆雲曰飛雲曰空中樓閣曰仙鶴
危巢曰濯纓浸月無間其標置雅俗而此岩萃律奇幻宛然有
畫此巖有二十四巖如仙桃蓮花藥岩仙床佛岩獅子幞頭紗
帽屐岩之類雖雅俗同稱而形俱酷肖真神工所琢也

晉陀岩離鉛山二里許平地突起巒嶂髮髯飛來峰中有一罅

明透日影流光傍有泉滴瀝島中可布几席滄雲釀雨明處發
暗

岑山在興安境境之左曳輿轉級而上可三五里周遭皆小山
林木薜蘿與衣裳相鈎帶山一洞如佛獅子座洞口昂首軒鼻
卷文如螺似天爲之左爲龍乳泉瑩色如玉微微滴溜下如乳
味不澹而濃重又似美人微汗浸浸不收其右爲魚峰班文片
片如黃竹葉所居窅窅卽白日秉燭入之乃見俗亦名仙品扇
有剏修碑以木爲之係天順七年其聲樸樸如古琴其文班駁
斷連亦如老桐琴文又轉最上峰爲禪堂堂踞岑之頂信州山
水可攬取盡故岑雖小山亦足方仙品也

葛仙山在鉛山山高而徑深凡三十盤方及半山有駐鶴亭
從左岡盤旋而上十里始達于巔古木數章森秀參天合抱數
圍前有太極殿祀葛仙遺像又有飛仙臺後有亭翼然亭右
有試劍石下有臥雲樓